

可齋續藁

天

地

人

物

四

詳校官庶吉士_臣吳烜

主事_臣呂雲棟覆勘

總校官庶吉士臣倉聖脉

校對官學正臣湯垣

謄錄舉人臣李逢泰

欽定四庫全書

可齋續藁前卷六

宋 李曾伯 撰

五言

贈柯山道士鄭雲谷來住澧之洞晨

二首

本是佳山人來作開山計雲出元無心有心為雲累執
柯與紉蘭如幻亦如寄神游有崑蓬御風歸歟是
道人本分事不用達人詩烟霞痼疾間風月陶寫之漆
園直寓言謫仙豈吾師卷懷冥心齊焚鄉比希夷

題懷遠樓

心遠目難盡境須詩與論風檣誰客艇煙樹某家村野
草春千古江天月一痕舊時方冊事一笑付方樽

挽趙無垢 二首

早奏玉垣績纔登金掌班衆皆期兩地誰謂老三山江
夏勲勞上東平禮義間壯猷慚弗克孰與濟時艱

公未通閨日相從入幕游矐乎慚後乘藉甚偉前籌原
隰曾并轡江濤幾共舟柯山回首處老淚為橫流

挽曾侍郎二首

名閥蜚聲遠甘泉跬步登詞華八埒日姓字一條冰戀
闕丹心在臨朝清問魯

才登切

秀溪春夢杳留得瓣香

曾

江漢雲鴻遇星霜電驥馳同朝更同幕相好更相規肯
託賢卽我追傷益友誰哀辭千里寄相者為歌之

送石首傅宰

石首邑易治難山政可師弦歌聊戲耳談笑以為之省

德多餐飯勤官少作詩交情毋恃舊公事定相規

題推篷梅軸

玉奴梳洗罷平面露新粧江岸數枝影蓬窓一罇香橫
披含曉色卧對壓春芳庾嶺幾多力剡溪方寸長蕭然
臨水月即之慣冰霜老去墨池手清入詩人腸孤梢亞
籬落全樹嗤玉堂故舊解后見雋永約略嘗重羞籌鼎
供醉夢紙帳傍賴君潤色之着我懷袖藏太繇厭易啟
所取廉毋傷誰為語逋遜樂此同徜徉

又題

片玉漏春色恍逢江路傍中山費巧思壽陽矜輕粧精
神盈一握標格壓衆芳彷彿水邊影有無風前香卷舒
造人意推敲撓予腸形狀僕草元請系根花光勿謂數
枝溢中寓千丈強晏不滿幾尺焉用張堂堂桃李空滿
園媿死安敢當太羹少為貴鼎鼐滋味長只愁楮君弱
蠹魚食春陽慎勿示肉眼收付奚奴囊

七言古詩

仲宣樓落成和吳深源制參韻

庚戌

魏樓聳立千仞壁熊楚奇觀此其一
蒼龍夭矯出一頭下瞰七澤乾坤浮
平遠獻狀呈几席氣勢彈壓東西州
仲宣襟抱六合隘生閱曹劉幾成敗
當時徙倚落日邊豈計嘉名鎮長在高
談猶想四座驚好語意得由天成
景升逝矣建安往豈濁斯足清斯纓
今朝我與羣賢集風景還能類前日
賦斯樓者天台公揚厲其誰會椽筆
嗟今視昔後視今君子思遠而憂深
運方濟泰月在臨

有如此水舟同心芳名起日炳若揭老子婆娑衆賓悅
斯城斯樓天下無王賦吳詩成四絕

又和

東都一星下東壁粲以文鳴斗南一元德髀肉瞞白頭
俯仰宇宙俱漚浮主人景升帝王胄風土更羨遠中州
安能不粟效夷隘活着期扶奕枰敗仲華解笑人寂寂
歷落山川舊圖在夜深旅夢難喚驚崇樓百尺般手成
憑闌四顧萬慮起鄉鄰寧不思冠纓英雄海內方麇集

長憶永平太平日在心為志流為詩吾豈爭雄鸚鵡筆
風流好事傳到今豈知漢澤入人深暇日載酒清流臨
闕誦吾心偈言玩味猶諦揭意趣充然芻豢悅
飛鴻盡處烟雨隔姑嗅梅花共清絕

管順甫以湘竹為青奴兒貺為名湘夫人賦以
謝之

妾家淇園北封君厥祖慈事宗蒼筤子孫異代貞節聞
枝分一派從南巡千古流落湘江濱幾番雨露敷新榮

斑斑不改啼紅痕膏煎漆伐悔自矜卒以取禍罹斧斤
工巧斲削資它人管城夫子出意新作備取義何其云
致之千里充吾庭命以湯沐虞嬪名彷彿太伯之文身
虛中直外圓且明不絲不縠不受塵一笑不用捐千金
曲眉豐頰從雜陳雖有多喙無一嗔晨夕荐我眠風櫺
曲肱時復呼真真骨雖非玉肌似水蝶夢不到巫山雲
白家蠻素卿自卿老我祝爾毋忘盟以便吾體全吾神
招魂共讀離騷經推枕同作華胥民只虞一夜秋氣清

猶筐中扇墻角檠盞為青奴亦作白頭吟

七言律詩

自和

北帝東皇競化工六花吹滿鬢毛鬆誰令霓衛鋪張曉
來與牛鞭斷送冬寶歷明朝新紀鳳珠宮昨夜起驪龍
驅寒乞取酒泉郡何必荊州萬戶封

登四望亭觀雪

踏雪一登城上亭山川草木亦精神不知四面孰為水

但見一般俱是春此際全然許和氣於中何處有纖塵
我來謾啜茶兒去疑是神仙境界人

自和

不夜城頭著此亭東皇幻化一何神相將蓮炬催芳夕
來俾梅花作好春自臘月前尤可喜覺西風外已無塵
銜枚曉奏鵝池捷為問和門有此人

和八憲叔雪中登樓韻

不夜城頭著此亭山川幻化抑何神高低地勢平於水

窮富人家等是春一氣中間知有造四方上下了無塵
烹茶讀易從古造不羨梁園作賦人

挽陳勉齋文昌

二首

幾年間氣一全才天以經綸屬勉齋勲盛十年詞兩制
壽開九袞位三階公於南國恩尤在人惜東山望莫偕
歲晚倏聞梁木壞君王應亦為傷懷

憶昨從軍辱已知不圖二紀踵前規人非城是黃梁夢
地老天荒白髮悲墮淚忍看羊祜傳傷心徒作魏公詩

勉旃衣鉢芝蘭事傳取清風百世師

壬子勸駕

人物從來盛楚南
新元詔士奉芝函
身逢熙運千之一
名占魏科十有三
好趁驛梅催騎策
歸來官柳映袍藍
池邊相祝趨聞喜
賸取宮花一朶簪

和劉舍人詠雪

怪見漫空萬蝶狂
湏臾色界眩昏黃
風姨知費幾番信
天女纔施半面粧
筆底詩徒和玉柱
酒邊舞已失霓裳